

DIKOTLO TŠA DIPUŠETŠO TŠA MOTŠHELO WA LETSENO LE KOPOREITI DI TLO THOMA MANKGAPELA

Pretoria, 29 Nofemere 2018 - SARS go se kgale e tlo lefiša dikotlo tša go se obamele taolo bakeng sa dipušetšo tša Motšhelo wa Letseno la Koporeiti (CIT).

Dikotlo tša go se obamele taolo di tlo lefišwa dikhamphani tše di palelwago ke go romela dipušetšo tša motšhelo wa letseno go ya ka Molao wa Motšhelo wa Letseno, 1962, bakeng sa mengwaga ya kelo ya go fela ka 2009 le mengwaga ya go latela, fao SARS e ngwaletšego khamphani lengwalo la mafelelo la tefelo, le fao khamphani e paletšwego ke go romela pušetšo ya go šalela morago mo matšatšing a 21 a kgwebo a tefelo ya mafelelo.

Dikotlo di tlo thoma go tloga ka R250 go ya go R16 000, go ya ka kelo ya tahlegelo ya khamphani goba letseno la go tšhelelwa, bakeng sa pušetšo enngwe le enngwe, gomme e tla oketšwa ka palo ya go swana kgwedi ka kgwedi yeo go se obamele go tšwelago pele morago ga ge kotlo ya mathomo e lefišitšwe. Se se dirwa go ya ka Kgaolo 15 a Molao wa Taolo ya Motšhelo, 2011.

Go tloga go gapeletšega bakeng sa dikhamphani ka moka tše di ngwadišitšwego – tše di nnyane goba tše dikgolo – go romela dipušetšo tša bona tša motšhelo mo dikgweding tše 12 tša mafelelo a ngwaga wa tšhelete wa khamphani yeo. Se se ka dirwa ka eFiling.

Motšhelo wa Letseno la Koporeite (CIT) o lefelwa ke dikhamphani tša ka Afrika Borwa, dikhamphani tše di hwetšago letseno goba di hwetšago poelo ya matlotlo goba ditshenyagelo ka Afrika Borwa, goba tše di tlhometšego (lekala) saruri ka Afrika Borwa.

Sa bohlokwa ke gore, dikhamphani tše di se sa šomago, di ikhuditšego – bjale ka mohlala, dikhamphani tše di ngwadišitšego tše di se nago dirasiti goba dithoto – di kgopelwa go faela dipušetšo tše di šaletšego morago pele ga 2018, go thibela dikotlo tša tefelo.

SARS e tlo lefiša dikotlo ka mokgwa wa kelo ya dikotlo, tše, ge eba ga di lefelwe, di tlo latelwa ke dikgato tša tefelo ya sekoloto. Khamphani e ka dira kgopelo ya tokollo ya kotlo go tšwa go SARS gape ge e sa fiwe tokollo, khamphani e na le tokelo ya go tlhoma kganetšo go eFiling kgatlhanong le sephetho sa go se dumele tokollo.

Dikhamphani tše di nyakago tshedimošo enngwe di hlohleletšwa go etela wepsaete ya SARS go hwetša tšwetšopele e mpsa go [letlakala la CIT](#). Balefela motšhelo ba ka ikgokaganya le SARS contact centre go 0800 00 7277.